

河間縣志卷之五

人物志

高行

志潔行芳之士往往有所不爲以成其有爲是
故靜已以鎮躁疵物以激清病俗遠恥而出處
一途蹈義陵險而死生等節縱事或偏至要其
風軌足懷去世之委靡輒熟者無慮什伯矣予
考趙騰等數人情迹雖殊志操俱絕將分系之
慮難條品故總爲高行一篇至金劉守真三聘
不起賜號高尚列志載於藝術特從其所長固

非詳彼而畧此云

漢

趙騰河間人安帝時上書言得失帝大怒下騰獄
時楊震爲太尉上書救騰謂堯舜之世諫鼓謗
木立於朝乞全騰命以誘勸堯舜不聽竟殺騰
沐並字德信河間人少孤貧特有志操不畏強禦
尤廉峻時有軍人役作者一以先作飯熟呼未
作者食其人不肯食呼者曰汝欲爲沐德信耶
其名爲隸卒所知如此

隋

尹式河間人博學能文少有令名仁壽中爲漢王
記室王甚重之常諫王不聽及王敗式自殺以
從其族人正卿彥卿有雋才名顯於世

唐

趙完素河間名儒惓之孫臨穎丞禮興之子也有
英雄之姿學不常師志在遐遠年二十七褐衣
遊洛爲天下名流所宗徵仕不就從容林藪卒
陳正字子昂爲褐傳之考諡定名號曰昭夷子
元

張之賢河間人躬耕養親樵採以供甘旨間從師

授書通其大義父疾思生鯉以居平陸弗能致
夜冒寒走二百里得之以歸縣以其孝欲署爲
吏不就後以薦入官持心平恕遇事剖決悉當
廉慎自將嘗提舉山東諸路所過無侵擾民皆
感悅未幾移疾退閒以約濟勤家漸饒裕歲饑
僅有所賑施全活甚衆延祐七年卒

榮溥河間人常事哈撒丞相丞相得罪門下皆散
去獨溥收葬其屍又上疏爲之訟寃得復封爵
貢尚書師泰義其所爲賦詩以贈溥後官四品

侯壽布衣士也其先利津人徙居河間遂爲河間人好學尚義不求仕進正德中劉瑾亂政壽士林壽心甚不平因詣闕上書陳守成十事八千餘言武宗大怒下之詔獄壽安然不爲動賴當事者憐之力爲營救居犴狴三月始得釋壽于歸日惟慰藉其母而已有祖進士者心愛其人枉道河間訪之錄其諫疏以去壽常有云夢劉守真遣人視之一夕頓愈夜行遇盜盜視壽驚異曰此侯君也相率拜伏嘉靖辛丑歲凶人患疫壽力活其戚友甚衆又好化誨里中子

弟之浮薄者三子並有文名長九圍舉于鄉官
遼州知州

張夢巖號築菴河間人父瀛濱先生官僉憲生三
子君其伯也弱冠有聲黌序折節向學恒著藍
衣弊弊道中人莫能以貴介目之仲饒俊氣
酒酣輒有青樓之盼君不忍拂之又不欲徇之
計獨還家必爲尊人所訝輒徘徊門外以待
將丙而雪作仲方歸見之愕然驚謝亦甚慚
後不復爾僉憲捐館君痛怛特至雞骨或床
者欲淚比與諸弟析產獨取其田之鹵者

孺者季異母山猶自不嫌善曉之曰令先人靡
所遺卽我曹何所分則將何所爭季意乃解

國朝

馮勗字子遠號健亨河間進士賁徵父也性剛直
勤學問居家以孝友聞明末考授光祿署丞後
高尚不樂仕進精究易蘊著易約說四書易解
一時執經者戶外屨常滿

李近斗河間人明天啟丁卯舉人言論丰采皆出
人表文名籍甚性恬退壯歲卽不求仕鄉居食
貧無一字干公府更名曰松碩號栢友示其志

也以壽終

孫洪緒河間衛諸生素長厚女侄幼孤撫之如已
子有負枉者不能自白洪緒爲直之人以全來
謝却之曰子自枉耳我當爲子雪何謝哉家有
園桃方熟往視之見攘桃者適在樹上乃避出
候其去而後入焉謂其妻曰彼貧者或驚墮傷
折何面目見人乎

賈正士字立菴號筠茂郎中維英長子也偶儻有
雄畧爲人坦白不設城府父病旬餘醫罔效士
晝夜涕泣寢食俱廢禱于北辰願以身代詰朝

有以喻化方授者之服而愈咸以爲孝感所致
云康熙三十七年大水河口泛溢邑宰以民命
相屬士曰此公事也毅然任之不旬日而隄岸
成工貲不足立自捐辦弗以言于宰又嘗施丸
散瘳疾鄉里皆德之邑宰每過廬延訪談論終
日而士閉戶鄉居不輕入城市郡守廣寧李公
贈以詩有品重連城玉不如之句爲所傾慕如
此

賈正符字節菴號信璋卽正士弟少有行誼事生
母田氏以孝稱嘗讀書粵之圭峯慕白沙陳氏

之爲人也究養靜之旨性恬退不樂仕進與人
交始終不渝蘭陵故交携子侄相依家中落不
能厚給而衣食所需供用無缺于其子之病且
卒也謀其醫藥喪葬送還鄉里復有故人孫雲
于人矣正符謀于衆爲贖還其家終身無德色
文學

昔卜氏得孔子詩傳列文學科漢毛公以詩設
教于蠡風雅丕振故作者彬彬焉前志著長卿
于甲科凡歷代文學士未嘗別爲之傳體例稍
疎矣夫景星慶雲嘉禾瑞草天下莫不先爭睹

之爲快而士之以文學顯者蔚爲國華茲爲時
瑞海內望其宰采後世傳其著作其在桑梓之
鄉不尤宜鄭重而寶貴之歟爰次其時代列爲
一篇尤望鼓吹休明之士及時奮興有諸君子
金聲于前復有人焉玉振于後蓋非徒一邑之
光也

隋

劉善經河間人博物洽聞尤善詞筆歷著作佐郎
太子舍人著酬德傳諸劉譜四聲指歸凡數十
篇行于世

唐

劉長卿字文房河間人也開元中進士至德間爲
監察御史以檢校祠部員外郎爲轉運使判官
赴淮西岳鄂轉運留後吳仲儒誣奏其罪貶南
巴令有爲辨之者除睦州司馬終隨州刺史有
集十卷行于世或曰長卿本名文房後以字行
故人但稱長卿爲人性剛每易忤物故殷璠謂
員外剛而犯上兩遭遷謫皆自取之早與張九
齡杜甫王維相接及唐中興後而長卿爲詩人
冠自以爲五言長城與錢起共知名世稱錢劉

其後復有錢劉郎李之曰長卿乃曰李嘉祐
士元安得與我齊稱耶其自負如此長卿子
亦王其在淮西常奉使過睢陽時城已陷張巡
許遠皆死長卿爲文弔之其詞悽壯傳于當時
謂過鮑昭蕪城賦云其見稱者又有畫龍記

五代

張文蔚字右華河間人也初以文行知名舉進士
及第唐昭宗時爲翰林學士承旨是時天子微
弱制度已隳文蔚居翰林制詔四方獨得大體
昭宗遷洛拜中書侍郎同中書平章事柳璨殺

裴樞等七人蔓引朝士輒行誅殺縉紳相麗以目皆不自保文蔚力講解之朝士多賴以全活哀帝遜位于梁遣文蔚爲冊禮使太祖立仍以文蔚爲相梁初制度皆文蔚所裁定文蔚居家亦孝悌開平二年太祖北巡留文蔚西都以暴疾卒贈右僕射

宋

張昭字潛夫河間人七歲能誦古樂府咏史詩百餘篇未冠徧讀九經盡通其義處儕類中緩步闕視以爲馬鄭不已若也後至贊皇遇程生者

專史學以爲專究經旨不通今古率多拘滯繁
而寡要若極談王霸經緯治亂非史不可因出
班范漢書十餘義商榷乃授昭荀紀國志等後
又盡得十三史五七年間能馳騁上下數千百
年事又注十代興亡論處亂世躬耕負米以養
親唐莊宗入魏河朔遊士多自効軍門昭因至
魏攜文數十軸謁興唐尹張憲憲家富文籍每
與昭燕語講論經史要事恨相見晚卽署府推
官同光初奏真秩加監察御史明宗天成三年
爲安義軍節度掌書記時以武王莊宗實錄未

修詔盧質何瓚等續錄事迹瓚上言昭有史材
嘗私撰同光實錄十二卷又聞其欲撰三祖志
并藏昭宗朝賜武皇制詔九十餘篇請以昭所
撰送史館拜昭爲左補闕史館修撰委之撰錄
昭以懿祖獻祖太祖並不踐帝位仍補爲紀年
錄二十卷又撰莊宗實錄三十卷上之優詔褒
美遷都官員外郎四年上武王以來功臣列傳
三十卷以本官知制誥明宗好畋獵昭上疏切
諫大要謂嚮明御宇宜易彼諸侯之事肅乎萬
乘之儀不當因襲舊風失其威重況作事可法

即厥孫謀若以陛下齊聖廣淵之機聰明神武
之量其可以宴遊蒐狩之事少累聖明所謂城
中好廣眉城外加半額爲法之弊靡不由茲疏
入嘉納之長興中復上八審疏言委任審于材
器聽受審于忠邪出令審于煩苛興師審于德
力賞罰審于喜怒毀譽審于愛憎議論審于賢
愚嬖寵審于姦佞推是八審以決萬機庶可以
臻至治上覽之稱善清泰中改駕部郎中知制
誥撰皇后冊文遷中書舍人賜金紫二年召判
史館兼點閱三館書籍校正添補預修明宗實